

刺
腫
攷

NO. 1
5 6 7 8

A 00
6110
261

B 26637

刺腫

往年尾藩醫負栗崎尚順善刺水腫著水腫刺針方一卷議論精確多發前人所未發惜哉不載其針法以爲缺典也予偶遇其子道榮於尾藩醫局談次及於此道榮云有方論而不傳者可謂仁乎而先人所以不筆於書_{非其}人不敷傳也乃爲余悉發其秘其法臍下二三寸之間不論何俞何穴先以指頭探索之則水脹中自滑分肉鱗隙之地乃是腔裏迄於水而可刺之野也以三棱針製_{別有}造刺之深一寸許方此

之時、頭失血不可忍、直撒其針、即以銀小管、亦製
挿其針孔中、亦復一寸許、水從管中尋出、有之不止、
宛如懸河、湧水洪水噴退、隔六七日、復待水聚於腹
中、而刺之如初也、若水雜血色者、所挿之小管、未得
其所也、再入二三分、則血立止也、施此術、凡兩三次、
或五六次、水盡乃止、竟至全活也、唯刺針之際、膽力
當益盛已、余於是始詳其事、可謂勤矣、近者因僚某
患水病、腹脹如鼓、百藥無効、束手待死、聞一醫生精
此術、令之診、醫云可治也、從事於此、不日腹脹全瘳、

始得脫死地、而觀其所為、一如道榮所傳、彼蓋本於
此乎、而云是西洋術也、豈其然乎、蓋岐氏已有言、諸
家亦從論之、按靈樞云、從_也、張志聰云、從、從也、先取環
谷下三寸、以鈹針_也、之_也、已刺而滿之、而內之、入而復
之以盡其_也、必堅、未緩則煩悅、未急則安靜、間日一
刺之、_也、張志聰云、從、從也、止、時後方云、若止皮膚水、腹內未有者、
諸發汗藥便差、然慎獲風寒為急、若唯腹大、下之不
去、便針臍下二寸、入數分、令水出、孔合須臾乃止、醫
學入門云、水腫、水合、與復溜、但瀉水合、先用小針、

後用大針，以錐刺管透之，水出濁者死，清者生，急服腎皮丸飲之，此必鄉村無藥，粗人體實者，方可用之。若清高貴客，鮮不為禍，自古病機，惟水腫禁針，針經則不禁鍼灸，經驗方云，針經謂人浮腫鼓脹，乃脾胃不和，水谷妄汗皮膚，大小便不利之致也，方書云，針水令水盡則斃，然而水脹甚則不能飲食，腹如抱鼓，氣急奄奄，心神悶亂，死在頃刻，當其時，若不救急，則終未免死亡，愚自臆料，以謂等死，莫如救急，針水令水三令之二，脹下至臍，未至盡水，急用血竭末，或

寒水石末，塗針，針完即塞止水，針之前，預備急用，如無血竭，即以槐花炒黃，不至過黑，作末，以熱手滿握，自貼慎勿動手，移時成痂，乃塞止水，且百草霜未付，貼亦能止水，且浮腫之人，或有外腎及腎囊，亦致腫者，針刺腎皮及囊皮，多出黃水，則安，如或出血，則不若之幾也，蓋鍼外腎出水者，通利小便之義也，若鍼手足出水者，妄行皮膚之義也，古凡病加於小愈，都在慎攝而已，諸書所載如此，可見不特昉於西洋為時醫動輒以西洋為口實，故不可不辨也。

右侍醫典藥小川忠善所著也辛亥初夏
從儵友井上玄菟借錄呈藏五月廿三日
識于還瑣齋中直寬

